

36054

新修山東鹽法志

第四冊

卷四

盛典

卷五

優恤



16996

山東鹽法志卷四

盛典 巡幸 議敘 賞賚



古聖王問俗省方報功錫賚代有典章載諸史冊我

國家休明極盛

鉅典彌彰每於

時巡駐蹕之區變伐告功之會羣下輸誠

殊恩渥沛敘官懋賞汪濊麗鴻允哉懿鑠無前超軼百代東省為

鹽緡貢賦之方商網沐浴

皇仁至優極渥彙而登之用申蟻戴云敬志

山東鹽法志

卷四

盛典 巡幸

盛典

巡幸

聖祖仁皇帝康熙二十三年甲子春二月翰林院編修曹禾疏稱

三五以來昭姓考瑞無不以其成功告於上帝逮秦漢唐

宋之主有事岱宗者類皆創立宮殿更起明堂辟雍勞民

費財失對越之意後世議者遂不敢申明其禮恭惟我

皇上睿謀獨運動與天契決機制勝掃蕩都盡

上帝之命不可不報山川百神之助不可不答運世之本開基之

功德不可不紀宜亟議告成之典吏科掌印給事中王承

祖疏稱巡幸東方察閭閻之利病問風俗之厚薄設祭方
嶽以祈年豐且東嶽密邇孔里史冊所載漢高至魯以太
牢祀孔子後世美其開一代之文治若封禪書所云上古
封禪者七十二君皆荒唐無稽至秦皇漢武倣而行之不
過耀德張功後世鄙焉我

皇上德接精一之傳博稽羣書上法虞帝行燔柴之禮不襲封禪
之事則

聖德神功光昭萬世矣禮部會議疏稱伏查封禪之說不著於經

書傳言舜至岱宗燔柴以祀天原非封禪唐虞三代以前

山東鹽法志

卷四

盛典
巡幸

實無登封故事恭惟我

皇上博綜經學宏闡心傳重道崇文千古莫並且

軫念民依省方問俗

鑾輿所至

訓飭官方特加蠲賑此皆勤民重農至意如

皇上巡問民俗經過泰山闕里應倣行虞舜燔柴漢高祖祀孔子

禮致祭奉

旨著候旨行應行典禮該部卽詳察具奏欽此秋九月

聖祖仁皇帝聖駕東巡十月至濟南

幸鈞突泉賦詩壬寅至於岱宗祀東嶽

駐蹕泉林

御製記文

駕幸江南

回鑾

躬詣闕里致祭

先師孔子講書於詩禮堂遣親王致祭

元聖周公禮成

聖駕回京

口京鹽法志

卷四

盛典
巡幸

康熙二十八年正月

聖祖仁皇帝聖駕南巡至山東

躬率文武諸臣望岱宗禮成

駕入江南境

閱視中河至浙江會稽山由江寧府

回鑾

康熙三十八年三月

聖祖仁皇帝聖駕南巡至浙江

啓鑾回鑾均經山東境一切典禮舉行如例

康熙四十二年正月

聖祖仁皇帝聖駕南巡

臨幸濟南由山東至江浙水程

回鑾以河工告成大沛

恩膏

頒詔天下

康熙四十四年閏四月

聖祖仁皇帝聖駕南巡由山東入江南境至浙江由江寧府復經

山東境

山東鹽法志

卷四

盛典
巡幸

回鑾一切典禮舉行如例

乾隆十三年戊辰春

高宗純皇帝聖駕東巡先期奉

上諭朕幼誦簡編心儀 先聖一言一動無不奉 聖訓為法程

御極以來覺世牖民式型至道願學之切如見羹牆辟雍鐘鼓

躬親殷薦而未登闕里之堂觀車服禮器心甚歎焉仰惟

皇祖聖祖仁皇帝巡幸東魯親奠 孔林盛典傳於奕禩

皇考世宗憲皇帝崇聖加封重修廟貌嘗遣朕弟和親王恭代展

祀末以命朕意者其或有待歟朕寅紹丕基撫茲輿洽思以來

年春孟月東巡狩因湖洙泗陟杏壇瞻泗宮牆申景行之夙志
復奉

聖母皇太后懿旨泰山靈嶽坤德資生近在魯邦宜崇報饗朕不
敢違爰遵

茲訓親奉

鑾輿秩於岱宗用答鴻貺旋蹕青齊觀風布澤以昭崇 聖法

祖教孝省方鉅典所有應行典禮大學士會同該部稽考舊章詳
悉具儀以聞其應預備之各衙門查察事宜先期請旨至行在

一切所需悉出公帑無得指稱供頓儲侍絲毫貽累閭閻羽林

山東鹽法志

卷四 盛典
巡幸

五

衛士內府人役等各該管大臣嚴行稽查約束并令扈蹕文武
臣僚嚴飭僕從毋或侵踐田疇致妨菽麥如有騷擾地方指名
需索者立即參奏從重治罪通行曉諭知之欽此二月初四日

高宗純皇帝躬奉

皇太后鑾輿啓程鹵簿儀衛如常儀地方文武官三十里以內跪

迎如常儀

駕至泰安祀東嶽

躬詣闕里致祭

先師孔子一切典禮如常儀禮成由水路

回鑾奉

上諭辦差文武員弁凡有參處罰俸降級等案者俱准予開復無則加一級鹽務官員一體加恩欽此

乾隆十六年辛未春

高宗純皇帝躬奉

皇太后聖駕南巡正月十三日

啓鑾由山東至江南浙江水程

回鑾奉

上諭經過地方男婦民竈年七十以上俱著查明照例給賞辦差

山東鹽法志

卷四 盛典
巡幸

六

文武員弁凡有參處罰俸降級等案者俱准予開復無則加一級鹽務官員一體加恩欽此

乾隆二十一年丙子春

高宗純皇帝聖駕東巡先期奉

上諭平定準噶爾捷聞以數十年逋寇迅就廓清荒服救寧中外蒙福廼我國家無疆之麻緬維

皇祖聖祖仁皇帝削平三孽於康熙二十三年詠吉

東巡

親祭闕里

武功文德彪炳簡冊朕仰承

先列集此大勳保泰持盈彌深兢業親告成功於

太廟

郊

社嶽瀆諸祀次第遣官敬謹舉行以昭茂典 先師孔子闕里理

應恪循

成憲躬詣行禮用申誠敬且自瞻謁 孔林已逾六載仰止之念

時切於懷擬於明歲春月敬奉

皇太后安輿自京啓鑾恭詣曲阜翠華所經亦以體察吏治清問

山東鹽法志

卷四

盛典
巡幸

七

閩閩行慶施惠以稱朕法

祖尊 師之至意所有應行預備事宜該部詳議以聞欽此於二

月十三日

高宗純皇帝躬奉

皇太后鑾輿巡幸山東祭告

先師孔子禮成由水程

回鑾三月初二日奉

上諭朕恭祭

闕里經過地方承辦差務各官宜一體加恩所有

直隸山東二省辦差文武官弁內凡有罰俸住俸降級之案俱

准其開復其無此等參罰者各加一級欽此

駐蹕泉林

御製詩章恭載前卷

乾隆二十二年丁丑正月十一日

高宗純皇帝躬奉

皇太后聖駕南巡

回鑾至曲阜瞻謁

孔林至泰安

登岱拈香奉

山東鹽法志

卷四

盛典
巡幸

八

上諭經過各州縣男婦民竈年七十以上俱著查明照例給賞辦
差各官照例開復加級欽此

駐蹕泉林

御製詩章恭載前卷

乾隆二十七年壬午春

高宗純皇帝躬奉

皇太后聖駕南巡正月十二日

啓鑾奉

上諭經過地方地丁錢糧蠲免十分之三辦差各官照例開復加

級欽此

駐蹕泉林

御製詩章恭載前卷

乾隆三十年乙酉正月十六日

高宗純皇帝躬奉

皇太后鑾輿南巡經過山東奉

上諭年七十以上之民竈照例給賞辦差各官照例開復加級欽

此

駐蹕泉林

山東鹽法志

卷四 盛典 巡幸

九

御製詩章恭載前卷

乾隆三十六年辛卯春

高宗純皇帝聖駕東巡先期奉

上諭今春巡幸天津山東撫臣富明安至行在覲謁以明歲恭逢

皇太后八旬萬壽普天同慶奏請登嶽祝

釐且言該省臣民五年來望幸之情實為誠切願懇至於再三朕

因奏聞

聖母以泰山廟宇鼎新欲

親詣拈香展敬朕亦以闕里久未臨謁便道往蒞於禮為宜而

往返俱由水程兼可適

高年頤養百諭該撫俟秋成後再行降旨茲該撫奏山左二麥既獲大田豐稔比屋盈寧堯允所請於獻歲春和恭奉

安輿擇吉啓蹕以臚懽忱而迓

慈禧惟是連歲恭逢

慶典業於春巡津淀時俯順輿情俾共申巷舞衢歌之悃來年巡蹕所至非但甸畿境內不宜復事繁文卽東省入疆以後亦不當綴景增華致滋糜費朕省方問俗念切觀民惟以閭里恬熙羣情愛戴爲樂若侈陳彩飾紛耀川塗不足美觀而徒耗物力

山東鹽法志

卷四

盛典
巡幸

十

實所不取該督撫其善體恪遵毋違朕命將此宣諭知之欽此

二月初三日

高宗純皇帝躬奉

皇太后啓鑾巡幸山東至泰安

登岱拈香致敬奉

上諭朕以山左臣民情殷望幸俯允所請茲臨蹕所至見行館規

制雖不事華飾而費用究不免繁多著於山東鹽庫內賞給銀

三萬兩以贍工作辦差各官開復加級照例加恩欽此又奉

上諭山東引票客商自乾隆十六年至三十一年尚有積滯未銷

之鹽六十餘萬包課項俱已隨引清完而鹽包仍須陸續運售
加以按年輸納正課商力未免拮据著加恩將乾隆三十五年
應徵欸額除雜項錢糧照數交納外所有正課銀十八萬三千
八百五十兩零分作八年帶徵俾各商益資寬裕欽此二月二
十七日

駐蹕中水二十八日

駐蹕泉林題詠詩章恭載前卷至曲阜謁

先師孔子禮成由濟寧水程

回鑾

山東鹽法志

卷四 盛典
巡幸

乾隆四十一年丙申春

高宗純皇帝聖駕東巡奉

上諭前據將軍阿桂等奏官兵攻勦金川將賊境悉行掃蕩僅餘
噶喇衣賊巢通計不及百分之一現在水陸圍攻爲勦穴擒渠
之舉計日可以獻俘闕下原擬俟露布馳聞舉行告功大典茲
復據阿桂奏連日將噶喇衣緊要碉寨卽經克獲並斷其水道
兼用大砲轟擊摧其垣壁殲賊甚多且索諾木之長兄岡達克
及其母阿倉姑阿青等並倡謀助惡之頭人山塌爾薩木垣達
什阿若魯雍中瓦爾結等數犯現在拘獲在營可舉獻俘之典

至蟻衆聚於一窟苟延殘喘實同釜底游魂無從他竄擒捕亦屬非難惟能將逆首索諾木逆黨丹已沃雜爾俱生致解京自爲盡善卽或賊酋等勢迫自戕俘馘同獻是蕩平金川大功業已全定更無俟馳報紅旗今諏吉二月初九日啓鑾先謁

東陵再謁

西陵申達集勲之忱悃禮成回至南苑恭奉

皇太后聖駕由桐栢村登舟巡幸山東由德州遵陸掖

輦展謁 岱廟祇垣

慈輦卽詣 闕里告成展禮仍於濟寧由水程回鑾計當將士凱

山東鹽法志

卷四

盛典
巡幸

七

旋之期卽可舉行郊勞以彰定武鴻庸所有應行一切典禮各該衙門照例敬謹預備欽此二月初九日

高宗純皇帝聖駕啓鑾圖

陵後躬奉

皇太后鑾輿臨幸山東

登岱拈香告功 闕里一切典禮禮部預期議奏請

旨遵行禮成由濟寧水程

回鑾奉

上諭此次巡躡所經直隸山東兩省每日俱有戲臺承應甚或問

以排當殊屬無謂朕鑒前曾再三申諭勿務繁文而地方官
總不能實心仰體朕於道旁老幼扶攜瞻覲嘉其情殷愛戴每
顧而樂之至於沿途點綴餘爲巷舞衢歌之象從未嘗攬轡停
輿一爲聽覽亦何必爲此無益之繁費乎前此恭奉

皇太后巡幸江浙臚歡祝

釐所至綴陳燈綵音樂以奉

慈娛因兩淮蘇杭地本殷阜且俗尚如斯遂不加斥禁然亦初不
以爲觀美若北方風氣淳樸豈可效其所爲又從而踵事增華
乎況今年巡蒞山東原因臨清地方前歲經逆匪王倫滋擾閭
閻恐不免凋敝故欲親臨閱視以慰屢懷適當平定兩金川告
功闕里登堂瞻禮藉申五年疎濶之忱又因道經泰山祇掖
安輿詣岱廟辦香展敬以迓

鴻禧此則朕自抒尊養之誠有司等固不當援引南巡祝

禮之例也朕省方問俗惟以民生休戚爲念而農田晴雨尤軫於
衷卽如三月朔日天津途次優渥春膏夾岸麥隴青蔥深爲欣
悅乃自入山東境至今望霖已經兩月雖有廉纖微潤而甘澍
未得霑濡麥禾漸覺減色朕心實切焦勞卽行館供陳亦爲之
居不安席豈復能適意乎督撫等當以朕之心爲心方不負朕

山東鹽法志

卷四

盛典
巡幸

三

委任至朕簡畀封疆大臣惟視其留心民事者加之恩眷從未嘗因其能辦差承奉稍爲嘉獎此尤中外臣民所共見共聞者督撫等可不知所趨向乎朕行事期爲天下後世法方今綱紀肅清朕巡行周咨並不以遊觀爲事誥誨諄諄督撫等豈尚不能深喻朕意我子孫若能恪遵朕訓庶不致爲奢靡所移設或稍不自持畧涉流連游覽督撫因而曲意逢迎其流弊伊於何底此於國運人心所繫甚鉅可不共知微懼乎又如前四次南巡大學士傅恒綜理諸務極爲安靜邇來兩次東巡大臣等管理一切雖尚屬妥協而行營已不能如從前之一無所事又漸

山東鹽法志

卷四

盛典
巡幸

十四

有饋遺之風扈從諸臣可不益加戒勉乎今日召見軍機大臣並周元理楊景素詳悉誠諭並將此通諭知之欽此又奉

上諭此次巡幸修葺行館亦不免稍需用度著於山東鹽課內賞給銀二萬兩以示體恤欽此又泉林敬備黠綴一段蒙
恩賞銀五百兩卽行撤去又奉

上諭東省商衆祇迎歡忭具徵誠悃用宜特沛渥恩俾霑慶澤著
加恩將山東商人本年應徵乾隆四十四一兩年引票正項
銀三十六萬七千七百餘兩又未完借項銀二十四萬兩自本
年奏銷後起限分作八年帶徵以示優恤欽此

乾隆四十五年庚子春

高宗純皇帝聖駕南巡正月十二日

啓鑾二十九日

駐蹕中水三十日

駐蹕泉林奉

上諭朕翠華南涖問俗省方道經山左因念各處舊有行宮久未

臨幸地方官逐程修葺不免稍需用度該省又添建座落二處亦不無所費著加恩於山東鹽課內賞銀三萬兩以示體恤欽

此又奉

山東鹽法志

卷四 盛典
巡幸

五

上諭朕此次巡幸江浙蹕途經過直隸山東地方其長蘆商人業經加恩緩徵課項所有山東商人並著加恩將乾隆四十五年應徵引票鹽課銀十八萬餘兩自本年奏銷後起限分作六年帶徵以示優恤該部卽遵諭行欽此

駕入江南境由水程

回鑾

乾隆四十九年甲辰春

高宗純皇帝聖駕南巡正月二十一日

啓鑾先至山東展謁

先師孔子一切典禮如常儀蠲免經過地方錢糧辦差各官
開復加級如前例奉

上諭朕鑾輅時巡普施慶惠長蘆山東商衆踴躍抒忱自應一體
加恩俾霑渥澤所有長蘆應徵引課銀四十九萬餘兩山東應
徵兩年引課銀三十六萬餘兩俱著加恩分作八年帶徵俾商
力益資饒裕該部卽遵諭行欽此二月十二日

駐蹕中水十三日

駐蹕泉林

恩賞商人等荷包貂鼠等物

山東鹽法志

卷四
盛典
巡幸

七

駕入浙江由水程

回鑾

乾隆五十五年庚戌春

高宗純皇帝聖駕東巡二月初八日

啓鑾奉

上諭朕此次巡幸山東祇謁孔林辦差文武大小各員著照例

開復加級欽此又奉

上諭朕此次巡幸曾諭令該督撫等沿途毋事黷綴繁文轉滋糜
費祇須就向有行宮坐落畧事掃除其濟寧登舟以後水營規

制亦悉仍其舊但途中程站較多雖無興建工程而修葺苦補
究不無所費著加恩於長蘆山東運庫內每省各賞給銀二萬
兩以示體恤欽此三月初八日

駐蹕中水初九初十一等日

駐蹕泉林

恩賞鹽商等酒食並綢緞貂皮大小荷包奉

上諭朕此次巡幸山左於回鑾時駐蹕天津所有東省長蘆兩處

商人情殷瞻就踴躍欣忭具見悃誠因念蘆東鹽務節經施恩

調劑以紓商力今翠華臨蒞允宜再沛恩膏著將山東五十四

山東鹽法志

卷四 巡幸

七

五兩年應完課銀三十六萬八千四百餘兩長蘆五十四年應

完課銀五十七萬二千九百餘兩自本年奏銷後加恩分作八

年帶徵俾商力益增饒裕以示朕行慶施惠有加無已之至意

欽此十三日

駕幸曲阜

躬謁

孔林十六日

駐蹕長慶屯十七日

駐蹕八里鋪由水程

山東鹽法志

卷四
盛典
巡幸

六

議敘

乾隆二十四年巡鹽御史官著奏據東商呈稱商等生逢

盛世仰託

聖主德威西北蕩平屯田塞上從此中外一統永享太平之福情

願捐銀十萬兩稍備屯項之需懇請暫支庫項解赴甘肅

所支銀兩隨同庚辰辛巳兩年正課照數還庫商等叨沐

皇仁至深極厚不敢仰邀議敘庶感戴微忱得以少抒萬一欽奉

諭旨允准並令委員解赴甘肅收備軍屯之用該商等仍交部議

敘

諭旨

山東鹽法志

卷四

盛典
議敘

九

乾隆三十八年巡鹽御史西寧奏據東商呈稱聞金川逆

酋恃險梗化現蒙

天兵進勦指日蕩平商等志切同仇羣懷義憤末由報効情願敬

捐銀三十萬兩稍供軍營賞賚以展蟻忱惟是商等貲本

營運在外未能一時繳齊請暫借庫項分次起解於乾隆

三十九年奏銷後起限分作五年隨同正課完交歸欵稍

効犬馬微忱不敢仰邀議敘欽奉

諭旨允准著鹽政將捐銀數目核定等差各部分別議敘

詳
諭旨

乾隆五十三年巡鹽御史穆騰額奏據東商呈稱商等仰

皇上厚澤深仁借帑緩徵俾得從容轉運今值臺灣逆匪滋事

天兵進剿即日已就蕩平海口安恬無虞驚擾東省雖距閩稍遠

而慶成寧謐率土同情此時軍務告戩而辦理善後事宜

尚需寬為儲備商等分居微末原未足仰効涓塵惟是感

戴欣忭之忱無由稍伸萬一情願敬輸銀一十五萬兩少

抒報効並請照乾隆三十八年之例暫在運庫借支分作

五年解交歸欵不敢仰邀議敘欽奉

諭旨允准令鹽政查明報捐各商咨部議敘以示獎勵

詳諭

山東鹽法志

卷四 盛典

三

乾隆五十七年巡鹽御史穆騰額奏據東商呈稱切聞科

爾噶賊匪與唐古忒索欠輒敢滋擾後藏地方奉

旨命將統兵進剿自可指日殲滅但軍旅往來不無多費商等仰

蒙

皇上深仁厚澤感激難名今值西徼用兵願抒忱悃敬捐銀一十

五萬兩以備凱旋賞賚之需並請照乾隆五十三年之例

在運庫本年奏銷五十六年引課項下借支分作五年完

繳歸欵不敢仰邀議敘欽奉

恩旨俞允捐餉商人著鹽政查明咨部照例議敘

詳

諭旨

嘉慶四年巡鹽御史董椿奏據蘆東商人呈稱商等自行運以來仰沐

天恩至優極渥前歲又蒙

豁免賞借豐沛

殊施感激蟻忱莫能名狀目下川楚教匪渠魁業已弋獲餘氛指日可除惟安撫被擾地方正多繁費商等受

恩深重報効情殷查前屆臺灣後藏軍需商等每次報捐銀五十萬兩並以商費營運在外一時不能湊齊請於現年奏銷引課銀兩內撥解分作五年徵收還款在案伏思兩年

山東鹽法志

卷四

盛典
議敘

五

以來仰蒙

聖主曲加矜恤多方調劑現今轆轤轉運暢順行銷悉皆

高厚鴻慈所賜茲長蘆商人情願捐銀六十六萬兩山東商人

情願捐銀三十四萬兩共捐銀一百萬兩稍抒忱悃至商

人資本雖俱營運在外不能尅日捐足但籌辦善後事宜

在卽不敢循照從前於奏銷項下借撥卽日按引捐起本

年九月內先繳銀四十萬兩解赴內務府其餘銀六十萬

兩分作三年完交不敢仰邀議敘欽奉

諭旨賞收十分之六長蘆准捐銀三十九萬六千兩山東准捐

銀二十萬四千兩仍著交部照例議敘以示優獎

詳諭字

嘉慶六年巡撫惠齡奏據東商呈稱本年六月間臨清東

昌一帶州縣因漳衛二河同時驟漲以致民堤漫溢民田

廬舍間有被淹幸蒙

皇上蠲緩稠施優加賑恤原無藉商等毫末捐輸之用惟是商

等仰沐

培養深仁在東行鹽得沾餘利今偶值一隅被水誼關桑梓分

應量力捐資商等情願公捐銀五萬兩以備賑需現已捐

辦齊全卽行呈解毋庸借動庫項不敢仰邀議敘欽奉

山東鹽法志

卷四 盛典 議敘

臣

諭旨允准該撫詳細查明咨部議敘

詳

諭旨

嘉慶八年巡撫鐵保奏據商人議敘知府銜劉克昌呈稱

竊商三晉愚氓業離東省歷蒙

聖恩蠲緩兼施有加無已俾商營運有資力量藉以稍裕實皆

我

皇上覆育深恩所賜飲水思源敢忘所自本年豫省黃水決口

漫入鹽河所有被水災黎荷蒙撫賑有加各憲捐給緜襖

以禦沍寒凡彼哀鴻無不感頌伏念工賑所需爲數甚鉅

商等分應竭盡絲力稍効微忱惟是各商於水發之時搶

運鹽包所費腳價不資復又疊次搬運屢遭淹沒被災之後不無支絀惟商渥受

國恩資本稍裕報効愚忱不能自己情願捐銀三萬兩卽交運庫稍助工賑之用再於各商公捐絲襖外自己捐備絲襖一千件卽交歷城縣收候撥用欽奉

諭旨劉克昌著咨部議敘

詳諭旨

嘉慶十一年九月巡鹽御史李如枚奏據蘆東商人呈稱商等渥荷

皇恩淪肌浹髓茲聞黃河溜勢改由六塘河從開山歸海商等

山東鹽法志

卷四

盛典議敘

三

行銷引地附近江淮際此河防鞏固亟思共獻曝芹長蘆商人情願捐銀二十六萬兩山東商人情願捐銀十四萬兩共捐銀四十萬兩稍抒末悃惟是資本營運在外一時不能湊集請先於關庫運庫存項內墊解自丁卯年奏銷後起分作五年歸欵奉

上諭所有山東商人呈請報効之十四萬兩著加恩賞收其長蘆商人報効之二十六萬兩著賞收六萬免交二十萬兩以示體恤仍交部分別議敘等因欽此

詳

諭旨

賞賚

康熙二十九年奉

恩詔動支山東鹽運司引課銀兩散給各場竈戶老民

康熙四十八年奉

恩詔凡軍民七十以上者許一丁侍養免其雜派差役八十以上者給與絹一匹棉一觔米一石肉十觔九十以上者倍之至百歲者題明給與建坊銀兩等因濱膠兩分司查明前項竈丁共一百三十七丁動用課銀二百餘兩

雍正元年奉

山東鹽法志

卷四

盛典
賞賚

十四

恩詔軍民年已七十以上者許一丁侍養免其雜派差役八十以上者給與絹一匹棉一觔米一石肉十觔九十以上者倍之等因濱樂分司查明八十以上竈丁四十二名每名絹一匹照例折給銀七錢棉一觔折給銀七分米一石折給銀六錢肉十觔折給銀二錢共折給銀六十五兩九錢四分於鹽課項下動支

雍正元年奉

恩詔直隸各省婦女年七十以上者給與布一匹米五斗八十以上者給與絹一匹米一石九十以上者倍之百歲者題明給與

建坊銀兩等因濱樂分司查明七十以上老婦六百三十三口
每口布一匹折給銀三錢五分米五斗折給銀三錢八十
以上老婦三百二十三口每口絹一匹折給銀七錢米一
石折給銀六錢九十以上老婦二十四口每口絹二匹折
給銀一兩四錢米二石折給銀一兩二錢共折給銀八百
九十一兩八錢於鹽課項下動支

乾隆元年欽奉

恩詔案內濱膠兩分司查明前項竈丁八上以上三百七十七名
九十以上十名照例共折給銀六百二十三兩二錢九分

山東鹽法志

卷四
盛典
賞資

三五

於地丁項下動支

乾隆元年欽奉

恩詔案內濱膠兩分司查明前項老婦七十以上一千三百二十
口八十以上六百三口九十以上三十三口照例共折給
銀一千七百二十七兩七錢於地丁項下動支

乾隆十五年欽奉

恩詔軍民婦人年八十以上者照例分別賞資等因濱膠兩分司

查明前項老婦八十以上五百九十口九十以上四十二

口照例共折給銀八百七十六兩二錢於竈地竈丁項下

動支

乾隆十六年欽奉

恩詔案內濱膠兩分司查明前項竈丁八十以上六百四十二名

九十以上十名照例共折給銀一千三十九兩三錢四分

於竈地竈丁項下動支

乾隆二十六年欽奉

恩詔案內濱膠兩分司查明前項竈丁八十以上三百名九十以

上七十名照例共折給銀六百九十兩八錢於竈地項下

動支

山東鹽法志

卷四

盛典
賞資

五

乾隆三十六年欽奉

恩詔案內濱膠兩分司查明前項竈丁八十以上五百二名九十

以上五十六名照例共折給銀九百六十三兩九錢八分

於竈地竈丁項下動支

乾隆四十五年欽奉

恩詔案內濱膠兩分司查明前項竈丁八十以上五百四十六名

九十以上一百二十三名照例共折給銀一千二百四十

三兩四錢四分於竈地竈丁項下動支

乾隆五十年正月初八日

恩宴千叟於

乾清宮山東商人茅祚宏董調元蒙

恩入宴

賞給

御製千叟宴詩一軸壽杖一枝大緞一匹宮綢一匹錦一匹羽紗

二匹紹皮六張如意一柄福字箋十張絹箋十張端硯一

方徽墨五錠湖筆十枝茶盤一面鼻烟一瓶鼻烟壺一具

大荷包一對小荷包二對各一分

乾隆五十年欽奉

山東鹽法志

卷四

盛典
賞賚

七

恩詔軍民年七十以上者許一丁侍養免其雜派差役八十以上

者給與絹一匹棉一觔米一石肉十觔九十以上者倍之至百

歲者題明旌表並加賞大緞一匹銀十兩等因濟膠兩分司查

明前項竈丁八十以上五百五十名九十以上一百四十

七名照例共折給銀一千三百二十五兩八分於竈地竈

丁項下動支

乾隆五十五年欽奉

恩詔軍民年七十以上者酌加賞賚八十以上者給與絹一匹棉

一觔米一石肉十觔九十以上者倍之至百歲者題明旌表並

加賞大緞一匹銀十兩等因部議七十以上者給與絹一匹棉一
一筋米五斗肉五筋濱膠兩分司查明七十以上竈丁一
千一十六名八上以上竈丁五百三十八名九十以上竈
丁一百九名照例共折給銀二千三百七十五兩六錢四
分於竈地竈丁項下動支

嘉慶元年

太上皇宴千叟於

皇極殿山東商人邢寧昌張良弼蒙

恩入宴

山東鹽法志

卷四

賞賚

賞給

御製千叟宴詩一幅壽杖一枝大緞二匹綾二匹荷包一對搬指

一具各一分

嘉慶元年欽奉

恩詔軍民年七十以上者許一丁侍養免其雜派差役八十以
上者給與絹一匹棉一筋米一石肉十筋九十以上者倍之
至百歲者題明旌表等因濱膠兩分司查明前項竈丁八十
以上四百五十四名九十以上一百一十名照例共折給
銀一千五十八兩一錢八分又濱樂分司查明永利場百

歲壽民門林一名詳請題明給與建坊銀三十兩均於竈
地竈丁項下動支

山東鹽法志

卷四

盛典
賞賚

无



地竈丁項下動支

歲壽民門林一名詳請題明給與建坊銀三十兩均於竈地

山東鹽法志卷五

優恤 恤商 恤竈

商與竈皆民也

國家一視同仁百數十年來休養不與民異或轉輸稍紬腸
雨失時則所以酌劑而安集之者至周且備天地之覆載
雨露之霑被豈區區小惠所可同語哉志優恤

恤商

蠲減商課

順治元年巡撫方大猷題鹽引壅滯請令商人照蒲關見

山東鹽法志

卷五

優恤 恤商

鹽徵課新商告困暫寬餘鹽割沒票鹽酌減課則部議

照長蘆優免分數每引免徵五分五釐零 詳賦課 引課條

順治五年戶部具題山東運司每歲額行四十六萬三千

七百三十七引每引徵銀二錢五釐八絲共該銀九萬

五千一百餘兩順治元年三分免一該銀六萬九千五

百六十餘兩查東省於元年八月投誠計該徵二課銀

二萬八千九百八十餘兩其時地方初定鹽引未須撫

臣方大猷請用印票分給行使經臣部議准暫行又據

巡鹽御史吳邦臣疏稱東省州縣節被荒殘兼遭寇禍

行鹽無地食鹽無人十一月終部覆始定今欲以一月之中輸徵歲額之課凋瘵之後未易卽完亦經臣部題覆先完一半帶徵一半奉有

俞旨第彼時引未頒發商未招集且以一月而責輸一年之課委屬難辦除元年解到八千兩以抵發過印票課銀其未完鹽課似應悉為除豁以昭恤商之仁按額徵課當於二年為始庶年分明而鹽課清

順治七年巡鹽御史王世功以東商引額虛懸疏請照例

蠲免部覆山東鹽課原有定額因連歲兵荒食鹽戶口

山東鹽法志

卷五

優恤
恤商

二

人少引目未能全領以致三三兩年欠課追比難完鹽臣疏請蠲免雖與

恩詔未符但念地方艱苦准與豁除以後不得再有虧額

康熙四年巡鹽御史賈宏祚題商困已極積逋難追請援

例蠲免經部查與

恩詔相符將順治四五年未完引課及元年至八年未完票價

免其追徵其順治九年至十八年未完商課自康熙五

年起分年帶徵

雍正七年

欽差刑部侍郎繆沅等疏稱東省鹽商重複影射殘引積弊始於
順治八年自應從順治八年以至雍正六年按年追賠
課銀五百餘萬兩蒙

恩旨自順治八年至康熙五十一年應賠之課四百餘萬兩免其
著追康熙五十二年以後認賠銀兩歷來東省之巡撫及巡鹽
御史等官有應分賠者派令分賠其在商者稍寬其限欽此欽
遵隨據商人情願認賠課銀一百五萬五千八百五十
四兩八分內先完銀四十萬兩其餘六十五萬五千八
百五十四兩八分分限五年完納下部議准

山東鹽法志

卷五

優恤
恤商

三

停利展本

乾隆五十九年巡鹽御史徵瑞奏稱蘆東各商每年應完
正雜課帑需銀數百萬兩以賣鹽之錢易銀完交現在
銀價昂貴賠折過多商力難支請將鹽價援照各省之
例一體改爲賣銀照戶部定制每制錢十文作銀一分
隨時合算戶部議奏現在市集錢價較賤若如該鹽政
所請鹽價用銀照依時值隨時核算較之蘆東現行鹽
價每觔約多賣錢二三文及五六文不等統計長蘆每
年額銷引張可多賣銀一百數十萬兩卽謂蘆東鹺務

日前量宜變通亦應核明該商等每年約賠數目量出
爲入兩得其平未可稍存偏重之見或致累及閭閻徒
飽商囊蘆東行銷五省引鹽請

敕下各督撫會同鹽政切實詳查秉公酌中議奏欽奉

諭旨蘆東行銷五省鹽勛易銀交課是否實有賠折應如何酌中

調劑使商民兩得其平著交大學士九卿會同悉心妥議具奏

等因欽此

詳

諭旨

大學士等覆奏蘆東商人每年

交納正雜緩帶帑課需銀數百萬兩係何欸項其以錢

易銀實係賠折若干未據明晰聲敘碍難懸議應令鹽

山東鹽法志

卷五

優恤商

四

政開具清冊速行送京以便逐欸查核應俟五省督撫

覆奏到齊一併會議欽奉

諭旨著徵瑞將應交課帑各項實數清冊帶同經手總商數人來

京聽候軍機大臣會同核辦等因欽此

詳

諭旨

復經大學

士等議奏據鹽政徵瑞帶同經手總商並蘆東每年應

交各項條款數目清冊前來按冊開各欸與戶部內務

府底案逐一查核俱尚符合查蘆東商人節年請借帑

本至數百萬兩需潤已多卽偶遇偏災復荷

恩慈優渥緩帶兼施不特帑項不應牽合藉口卽正雜課項何得

以目前錢價偶賤稍有賠折爲詞希圖改易賣銀含混影射加價至一百數十萬兩令五省之民受食貴之累賣銀之請斷不可行惟是鹽勛係民間日食之需必需商力寬舒方期轉運無誤現在蘆東商力稍疲自應量爲調劑以裕民食查蘆東共請借帑本銀七百七十萬餘兩商力旣疲尙致懸宕無著所關匪細今酌擬於帑項七百七十餘萬兩內將銀二百四十六萬六千餘兩停止交利仍令將本銀展限三年自戊午年爲始分限十年帶交歸欸其有原定分限完納者共四百六十一萬九千餘兩亦請展限三年自戊午年爲始再行按照原限歸欸至其餘銀六十九萬餘兩查係經費之需應請仍將此項交商照舊生息以備撥用如此量爲變通商力得資寬裕帑項不致久懸於民間毫無加價之累

奉

旨依議欽此

乾隆六十年戶部覆准鹽政方維甸咨稱當商濟運東商

本利一欸除已完四限本銀十萬兩外尚有六限未完

銀十五萬兩每年應徵利銀係內務府充公之欸並非

山東鹽法志

卷五

優恤
恤商

五

經費所需自應一體停利其未完本銀並請自戊午年
爲始分限十年抽還當商具領等因查此款未完六限
本利銀兩其利銀係按年解交內務府充公之項並非
經費所需其本銀係借給鹽商濟運之項該鹽政呈請
隨同充公帑本一律免利展本之處尚屬可行應如所
咨辦理按限交還當商具領清欸毋再於限滿藉詞延
宕

豁免帑利

嘉慶元年巡鹽御史方維甸奏稱蘆東商人舊借帑項停

山東鹽法志

卷五

優恤商

六

利歸本案內東商尾欠利銀十三萬七千一百餘兩乾
隆五十九年查奏時因未得細數未經列入是以未能

一體遽

恩今查明實係積年欠尾本在停免帑利之內可否仰懇

天恩一律免追又當商借給運本利銀四萬五百兩係以商濟

商之項一併懇

恩免交經原議大臣議奏查蘆東商力疲乏轉運未能裕如經

前鹽政徵瑞奏請將鹽價暫改賣銀欵奉

諭旨令臣等悉心酌議臣等以鹽價未便加增議於節年請借帑

項七百七十餘萬兩內將二百四十六萬六千餘兩停
止交利以紓商力奉

旨准行在案今該鹽政復奏請將蘆東尾欠利銀一律免追是否
實係從前未經開造當卽行文戶部內務府詳細核對
委係應行停免之款數目亦屬相符且其中參商所欠
者十之八九久無產業可抵卽令照數追完亦恐有名
無實自應准其所請照乾隆五十九年

恩旨免其追繳其當商借給運本利銀四萬五百兩本係以商濟

商與充公之款事同一例自濟運以後所交利銀已經

山東鹽法志

卷五

優恤
恤商

七

過半餘剩本銀又經戶部議覆准其停利分年歸完是
此項尾欠利銀亦應一體寬免以歸畫一奉

旨依議欽此

豁免帑本

嘉慶二年巡鹽御史徵瑞奏稱近年錢賤銀貴商人賠累
過多遂致資本日漸消乏實無良策查蘆東領借各帑
歷年已交過利銀一千三百五十餘萬兩今按款查核
除經費必需之款並應交各項銀兩仍照舊交納外請
將利過於本又加一倍利銀各款開列清單可否俯准

豁免以紓商力部議將該鹽政所奏內有利過於本三
倍四倍者准予豁免其蘆東城工本銀從前奏明一本
一利之外再加七年利銀原奏本未平允請於一本一
利照原限清還之後免其再加奉

旨依議欽此

緩徵課銀

順治元年巡鹽御史吳邦臣題稱山東經制今年十一月
終部覆始定歲已薄暮欲以一月之中輸徵歲額之課
凋瘵之後未易卽完故撫臣方大猷有見鹽徵課之說

山東鹽法志

卷五

優恤
恤商

乞

敕部通融以從其請部覆山東鹽課歲該銀六萬九千五百六十

兩五錢五分照額先徵一半其一半來歲帶徵

順治十一年巡鹽御史楊義疏稱東省近日情形土寇竊
發洪水橫流孳生撫集者少死喪逃亡者多地畝錢糧
莫不除荒徵熟商鹽引課何能按額取盈請照戶口更

定引額部覆自十一年爲始以二十三萬引爲額其四

年至十年缺額作何帶徵確查另議十二年巡撫耿序

覆稱鹽引以戶口爲消長東省節歲兵荒人丁逃竄鹽

引壅滯商力艱難請於十二年爲始先議帶徵二萬引
部覆缺引帶徵限五年內帶銷全完

詳轉運
引額條

乾隆十三年巡鹽御史伊拉齊疏稱東省上年旱潦頻仍
民艱粒食鹽不能銷課從何辦計各商實未完乾隆十
二年冬季引票課銀又乾隆十三年春夏二季引票課
銀共一十三萬五千二十兩三錢七分三釐細察情形
各商委屬力難兼顧可否俯念災後引鹽滯銷准照長
蘆被水緩徵一年帶徵一季之例緩作三年帶徵自乾
隆己巳年起至辛未年每年帶徵一季銀兩以紓商力

山東鹽法志

卷五

侵佃
恤商

九

經部議准

乾隆十六年署巡鹽御史高恒奏求阜等場海潮漫溢灘
鹽被淹正雜課項實難措辦奉

上諭山東乾隆十六年春夏二季正課緩至壬申年起分限二年
帶徵以紓商力欽此

乾隆三十六年

高宗純皇帝東巡鹽御史西寧奉軍機大臣傳詢東運積鹽數

目經署運使汪圻查明引商共積鹽四十七萬一千七

百二十包該徵課銀一十一萬五千餘兩票商共積鹽

一十七萬一千七百四十包該徵課銀三萬八千餘兩
欽奉

上諭引票各商課項俱已隨引清完而鹽包仍須陸續運售加以
按年輸納正課商力未免拮据加恩將乾隆三十五年正課銀
十八萬三千八百五十兩零分作八年帶徵等因欽此

盛典

經運使吳成勳查明將乾隆三十五年各商引票

課銀分作八限每限完銀二萬二千九百八十二兩二
錢二分六釐其已完課銀於初限扣除詳院報部

乾隆四十一年兩金川全境蕩平藏功奏凱

山東鹽法志

卷五

優恤
恤商

十

聖駕恭奉

皇太后安輿臨蒞山左詣岱拈香告成

闕里東省商衆祇迎歡忭欽奉

上諭將東商本年應徵乾隆四十四一兩年引票正項銀三十
六萬七千七百餘兩又未完借項銀二十四萬兩自本年奏銷
後起限分作八年帶徵以示優恤等因欽此

詳

盛典

經運

使劉晉棠查明四十年引票各課每限應完銀二萬二

千九百八十二兩八錢七釐四十一年引票各課每限

應完銀二萬二千九百八十一兩九錢九分五釐其四

十年已完之課於初限二限銀數內扣除其二十四萬
兩借項分作八年完繳每年應繳銀三萬兩詳院報部
乾隆四十五年

高宗純皇帝巡幸江浙

蹕塗經臨山左恭奉

恩旨將東商乾隆四十五年應徵引票鹽課銀十八萬餘兩自本
年奏銷後起限分作六年帶徵以示優恤等因欽此詳 盛

典 經運使錦格查明乾隆四十五年引票各課共銀一

十八萬五百九十二兩九錢六釐分六年帶徵每限應

山東鹽法志

卷五

優恤
恒商

七

完銀三萬九千八兩八錢一分八釐造冊詳院轉咨戶

部

乾隆四十九年奉

上諭朕鑾輅時巡普施慶惠山東應徵兩年引課銀三十六萬餘

兩分作八年帶徵等因欽此詳

盛典

經運使錦格查明四

十八年引票課共銀一十八萬八百二十一兩四錢九

釐分八年帶徵每限應完銀二萬二千六百二兩六錢

七分六釐四十九年引票課共銀一十八萬二千四百

二十五兩七錢二釐分八年帶徵每限應完銀二萬二

千八百三兩二錢一分三釐詳院咨部

乾隆五十一年巡鹽御史徵瑞奏稱東省上年收成歉薄
今春雨澤未溥官鹽滯銷加以河南歸德江南徐州等
處尤爲積歉之區商鹽不能照常售賣伏查乾隆十三
年東鹽因災滯銷課無所出前鹽政題准緩徵臣再四
思維除應完歷年課銀仍上緊督催完納外懇將本年
應完五十年引票課銀十八萬餘兩緩分三年帶徵庶
商困得以展舒而課項亦得接續完交部議未准奉

旨東商資本較微且上年引地歉收行銷地方因旱成災鹽滯課

山東鹽法志

卷五 優恤
商

十一

缺尚屬有因照該鹽政所請帶徵以紓商力等因欽此

詳
諭旨

乾隆五十二年巡鹽御史穆騰額奏稱東省雨澤愆期各

灘場因晴霽日久海水不能上潮以致產鹽日少兼之

河路淤漲船隻難行運腳較前加倍今屆醬鹽時候又

因麥秋失望行銷停滯商力倍形竭蹶該商等除本年

應徵帑本利銀一十三萬四千六百餘兩及上年雜項

銀七萬一千餘兩又四十八四十九兩年奉

特旨分作八年緩徵之課應飭令依限完納外所有應徵本年課

銀及五十一年正接引課帶徵五十年初限正接引課

票價餘票課銀共四十二萬八百餘兩仰懇緩至五十年秋後起徵分限四年帶完以清課項庶商力漸紓各項帑課亦得從容完納奉

旨著加恩准其緩至五十三年後起徵分限四年帶完以紓商力等因欽此

詳

諭旨

乾隆五十四年巡鹽御史穆騰額奏稱東商資力微薄節年緩帶等銀分限遞積本年有應交四十八年至五十二年帶徵銀兩又五十三年引課票價帑項本利雜款等銀共六十五萬八千四百八十餘兩一時併力完納

山東鹽法志

卷五

優恤
商

十三

未免支絀上年荷蒙加價行之甫及半年商力未能驟臻寬裕似應量予分限以資調劑所有本年應交帶徵自四十八年起至五十二年止六款銀二十萬三千六百三十餘兩並五十三年分引課票價銀一十七萬六千八百五十餘兩以上二項共銀三十八萬四百八十八兩仰懇

天恩俯准緩至五十五年秋後起徵分限三年帶完俾商力稍寬

而課項亦可漸清此項應交帑項本利銀兩及雜款錢糧仍飭依限完交不令延誤部議該省商課前因歲歉

滯銷業經分年緩帶上年復蒙

恩准借帑增價該商等自應將年額應輸引課按限完交欸未便復行請展惟是該鹽政所奏或係該處實在情形臣等未敢懸擬可否准其展限帶完之處恭候

欽定奉

恩旨東省正雜課項同時新舊並徵商力未免拮据本年應交帶徵應徵銀兩加恩於五十五年秋後起徵分限三年帶完以紓商力等因欽此

諭旨

乾隆五十五年

山東鹽法志

卷五

憂恤商

十四

高宗純皇帝巡幸山左奉

恩旨蘆東鹽務節經施恩調劑以紓商力今翠華臨蒞尤宜再沛恩膏著將山東五十四五兩年應完課銀三十六萬八千四百餘兩自本年奏銷後加恩分作八年帶徵等因欽此

詳

盛

典經運使阿林保查明五十四年引票各課分八年每限應完銀二萬三千二十九兩二錢五分一釐五十五年引票各課分八限每限應完銀二萬三千二十八兩四錢三分九釐詳院咨部

乾隆五十七年巡鹽御史穆騰額奏稱山東乾隆四十八

年至五十五年引課俱奉緩徵分年帶完疊次

殊恩有加無已分應踴躍輸將不容再有希冀惟是現屆五十七年應完五十六年正餘引課並各項帑利雜欸及節年緩徵之項共銀九十餘萬兩下年完數約畧相等新舊並徵爲數較多商本艱於周轉恐以全力顧課或致辦運有誤請將各年緩徵引課除已完外尚共未完銀七十二萬六千六百餘兩再懇展限分作八年帶完以免支絀其五十六年引課以及一切帑利雜欸仍照數完

納經部議駁奉

山東鹽法志

卷五

優恤
恤商

十五

旨從前原定七年限內前數限應交緩帶銀兩較多若令按照照數完納商力究未免拮据所有緩帶引課未完銀七十二萬六千六百餘兩著加恩於本年奏銷後仍按原限分作七年將銀數均勻帶徵等因欽此

詳

諭旨

乾隆五十八年巡鹽御史徵瑞奏稱蘆東行鹽各州縣上年雨澤愆期秋收歉薄不能暢銷今歲收成豐稔而商力已轉輸不及轉瞬奏銷屆限其情形甚爲支絀請將長蘆本年應徵正餘引課銀五十餘萬兩山東本年應徵引票課銀十八萬餘兩緩至五十九年起分限五年

帶徵以紓商力經部議駁奉

恩旨上年該處雨澤愆期收成稍歉引鹽不能暢銷今歲雖收成

豐稔商力轉輸不及情形究屬拮据若如該鹽政所請為期未

免太緩所有本年蘆東應徵正餘引票課著加恩自五十九年

起分限三年帶徵以紓商力等因欽此

詳入具諭旨

乾隆五十九年

高宗純皇帝巡幸天津奉

恩旨將蘆東未完六限三限緩徵及帶徵五限川餉並本年應完

正餘引票課銀於各原限屆滿奏銷後接展三年帶徵等因欽

山東鹽法志

卷五 優恤商

共

此詳

諭旨

經運使丁楷查明東商乾隆四十八至

五十五等年原分七年帶徵未完下六限引票課共銀

六十二萬二千八百七十九兩八錢六分九釐扣至六

十四年原限屆滿後接展三年每限應完銀二十萬七

千六百二十六兩六錢二分三釐又原分三年帶徵五

十七年分引票課銀一十七萬六千八百五十九兩六

分八釐扣至六十一年原限屆滿後接展三年每限應

完銀五萬八千九百五十三兩二分三釐又五十八年

引票課銀一十七萬七千四百一十四兩八錢四分三

釐於五十九年奏銷後分作三年帶徵每限應完銀五萬九千一百三十八兩二錢八分一釐造冊詳院咨部乾隆六十年巡鹽御史方維甸奏稱上年行鹽各地間有雨多歉收銷鹽未暢完課竭屢請照五十八年緩徵例案將本年長蘆應徵正餘引課五十二萬餘兩山東應徵引票課銀十八萬餘兩緩至明年起限分作三年帶徵並請將節年長蘆緩徵銀二百四十二萬一千餘兩山東緩徵銀九十七萬七千餘兩俟本年緩徵銀兩交完之時起限仍照從前奏定年分帶徵經部議駁奉

山東鹽法志

卷五

鹽商

七

旨該商等資本微薄上年行鹽各地間有雨多歉收銷鹽未暢應交尚多若一律徵輸未免稍形竭蹶著再加恩准將本年應徵課銀緩至明年起分二年帶徵其節年緩帶課銀俟本年緩徵銀兩於二年限內交完再行起限仍照從前奏定年分帶徵等

因欽此

詳

諭旨

嘉慶元年巡鹽御史方維甸奏稱商人成本加增各處錢

價過賤以賣鹽之錢易銀辦運交課每引虧折自二兩

五錢一分四釐至六錢四分三釐不等通綱合計每年

虧折銀二百三十二萬餘兩臣目擊情形不得不設法

調劑稍紓商力除本年應徵一切雜項錢糧是經費所需帑項各數交納外請將長蘆應徵引課銀五十三萬四千九百餘兩山東應徵引票課銀十七萬七千七百餘兩緩至明年奏銷後起分作三年帶徵歸欵經部議

駁奉

旨蘆東商人資本微薄各處錢價過賤易銀交課不免虧折尚屬實在情形著加恩將蘆東正餘引票課銀緩至明年奏銷後起限分作二年帶徵以紓商力等因欽此

諭旨

嘉慶二年巡鹽御史徵瑞奏稱商人因錢價賠累資本消

山東鹽法志

卷五

鹽法

六

乏實無良策查蘆東歷年緩徵課項共銀五百三十一

萬餘兩又各欵帑本帑利共銀一千一百五十七萬餘

兩現今商力支絀若令按限輸納加以現年應交之欵

每年竟有交至三百餘萬至四百餘萬兩者爲數過多

實難並納應請將歷年緩徵課項銀五百三十一萬餘

兩於庚申年起通行勻作十五年限帶徵其本年應徵課

銀並請於明年奏銷後起限分作三年帶徵部覆該鹽

政所請分至十五年分過遲應請將前項緩徵課項

五百三十一萬餘兩於庚申年起一律牽勻分作十二

限帶徵其本年應徵課銀請於明年奏銷後起限分三年帶徵之處何例俱係

奉

旨依議欽此

嘉慶五年巡鹽御史觀豫奏稱蘆東各商十數年來因錢價虧折疲累難支雖經多方調劑未有起色經前鹽政徵瑞奏請將利過於本者查明豁免其餘舊欠銀六百九十二萬二千餘兩自庚申年起按十五限完交經部

山東鹽法志

卷五 優恤商

五

議止准其分十二限交納惟是數年以來因尚未起限是以商力尚覺有餘自今庚申年奏銷後又有起限應交舊欠每年加完銀五十七萬七千餘兩帑課以一年所入合算當年交課辦運之資所餘無幾增此舊欠一項餘利不敷一兩年後必致疲累不支請將原分十二限完交之舊欠銀六百九十三萬三千餘兩仍自庚申年奏銷後起限分作二十四限完繳部議該鹽政所奏雖爲商力難支預爲籌計起見惟是帑課攸關輾轉拖延伊於何底前鹽政徵瑞原請分十五限因爲期太寬

酌予十二限令悉心酌核可否仍照徵瑞原奏自庚申年奏銷後起分作十五限完交之處出自

天恩等因奉

旨蘆東商人舊欠課帑銀兩前經加恩分作十二限完繳茲據該鹽政奏請展至二十四限爲期太寬著照部議准其自本年奏銷後起分作十五限完交等因欽此

詳

諭旨

嘉慶八年巡鹽御史王慶奏據運使丁增詳稱豫省衡工漫口由運河直注鹽河南橋雒口兩處鹽園淹沒存鹽一十三萬餘包傷折成本銀四十二萬七千餘兩又因

山東鹽法志

卷五

優恤商

二十

各商搶護鹽包不惜重費屢經搬運商力不無拮据請將東商應完本年引票課銀並帶徵三限課銀二十六萬七千九百六十餘兩均展至來年奏銷後分限二年帶徵稍紓商力奉

旨東省猝被水災該商等擇路搬運鹽包需費較多若將正課銀並帶徵銀兩一律徵收商力未免拮据所有應徵本年引票課銀並帶徵三限課銀著加恩展至來年奏銷後分二年帶徵等因欽此

詳

諭旨

嘉慶九年巡鹽御史珠隆阿奏稱東商被黃水淹沒引鹽

虧折成本雖荷

聖恩將八年應完正課並三限帶徵銀二十六萬六千餘兩分
限緩徵無如被水之後物價昂貴成本倍增加以現年
應交帑課並積欠等銀五十七萬一千餘兩又十年十
一年應添交緩徵課銀十三萬三千餘兩每年應交銀
七十萬四千餘兩當此成本昂貴之時新舊並徵商力
實有不逮除本年應交正雜課帑等銀五十七萬一千
餘兩依限按款全完請將十年十一兩年應交八年分
二限緩課銀及第三限歷年緩徵課銀共二十六萬六
千四百兩零歸入從前原分十五限歷年緩徵課項之
內與分限帶完之城工淮本等七款通共銀二百三十
四萬八千七百餘兩均勻牽平自嘉慶十年起每年完
銀十六萬七千餘兩截至嘉慶二十三年掃數全完奉

旨山東商力綿薄黃水漫溢淹沒鹽包虧折成本自係實在情

形著加恩將各款銀二百三十四萬八千七百餘兩均勻牽

平自嘉慶十年起每年完銀十六萬七千餘兩至二十三年

掃數全完俾商力益臻饒裕等因欽此

詳

諭旨

恤竈

順治元年山東巡撫方大猷條議商竈八款內稱竈丁計徵銀六千六百六十六兩零但逃亡者多當清審其見在若干按名徵課逃亡死絕者一概豁除竈地原額徵銀一千九百九十一兩零近來佃種不前應查成就者計畝上稅荒蕪者照例除免經部議准

順治十五年巡鹽御史馬騰陞題山東永利等場竈丁銀兩明末兵荒黃水淹沒自元年至九年逋欠其時灘地化爲澤國產業盡屬烏有老幼死亡未可追補及十年

山東鹽法志

卷五

優恤
竈

三

十一年編審之後其現在者業經追徵解部而逃亡者奚堪重疊懸加若必欲十一年以前逃亡之拖欠復累見在之竈丁勢必至於盡逃而見在之額課愈絀矣戶部覆准十一年以前逃亡竈丁課銀免追其十二年以後新編實在竈丁照額節年徵解

康熙四年

恩免順治元年起至八年止未完票價等項竈課銀共一萬四千

二百五十四兩零

康熙四年巡鹽御史李粹然題東省荒旱自撫臣題報後

蒙遣官查勘賑濟盡蠲康熙四年應徵民糧垂旒羣黎
得延殘喘而民竈皆爲赤子應請一例同蠲戶部題奉

恩旨將康熙四年分竈課銀一萬四千八百餘兩准其全免

康熙七年石河信陽濤雜三場地震

恩免竈丁銀七十三兩七錢六分零

康熙二十九年都察院劄准戶部咨爲欽奉

上諭事除支給官役俸食更名食鹽變價及續報新立鹽鍋銀不

准蠲免外共免康熙二十九年竈丁等項銀一萬四千

二百八十四兩五錢一分零

山東鹽法志

卷五

蠲恤
恤竈

雍正八年東省秋禾被水奉

旨動銀穀賑濟經運使楊宏俊查明求利求阜富國王家岡等四

場秋禾被水灘鍋淹沒詳題一例蠲賑共賑過穀四千

三百二十四石五斗一升蠲免雍正八年竈課銀二百

八十八兩五錢六分三釐九毫

雍正十三年奉

恩旨雍正十二年以前實欠在民錢糧查明蠲免經巡鹽御史三

保呈請將求阜場王家岡節年未完竈課並益都壽光

昌樂昌邑等縣舊欠民佃鹽課等銀一體豁免經部議

准

乾隆十年巡鹽御史伊拉齊題東運永利富國末皂王家岡等場並海豐縣竈地上年二麥被旱勘明成災七分八分九分十分共地一千二百一十一頃一十畝六分六釐零共應請免銀五百六十九兩八錢七分一釐零

經部題奉

恩旨准行

乾隆十二年巡鹽御史伊拉齊疏稱本年東省海豐縣所轄民佃竈地並永利富國西繇等三場竈地二麥被旱

山東鹽法志

卷五

優恤
佃竈

三

歉收俟秋穫之時確勘分數另行辦理除應徵新舊錢糧照例緩至秋成後分別緩帶至貧乏竈戶借貸籽種口糧及西繇場賑恤貧竈動用銀數數目照例歸入民戶案內報銷經部題奉

恩旨准行

乾隆十六年署巡鹽御史高恒疏稱海潮漫溢山東運司所屬官臺西繇末皂三場竈地灘垣及平度州掖縣民佃竈地麥禾被淹應請蠲免銀三百六兩六錢三分五釐零被災竈戶賑過銀數附入民案報銷被潮各灘修

整興曬官臺場產鹽不敷臨時別場酌撥贖廢地畝另
勘妥議請題於乾隆十七年查明西繇官臺二場平撥
二州縣贖廢竈地民佃竈地共四百二十頃四十四畝
零共應徵銀四百三十八兩五分有零題請豁除經部
題奉

恩旨准行

乾隆十八年巡鹽御史倭赫疏稱山東永利末阜官臺西
繇富國等場竈地灘垣海潮漫溢被災竈戶照例賑恤
內永利場坐落雷化縣潮淹竈地二十二頃一十七畝

山東鹽法志

卷五

優恤
竈

五

富國場坐落雷化縣潮淹竈地六頃五十八畝五釐潮
水浸透贖廢難墾共地二十八頃七十五畝五釐應徵
銀三十兩七分四釐具題請豁經部題准豁除

乾隆二十一年巡鹽御史官著疏稱王家岡末阜濤雜等
三場乾隆二十年被潮地畝果否廢棄奉部覆令勘明
具題查濤雜場被潮地畝積受海水淺薄今春得雨俱
可耕種不致贖廢惟坐落樂安縣境內之王家岡場坐
落利津縣境內之末阜場共被潮竈地五十三頃一十

六畝六分五釐實在贖廢應徵地丁銀五十五兩四錢

八分九釐零請以乾隆二十一年爲始准予豁除經部
題奉

恩旨准行

乾隆二十五年巡鹽御史官著題山東王家岡永利永阜
官臺四場坐落樂安霑化海豐利津壽光等縣竈地並
海豐縣民佃竈地海潮漫溢秋禾被淹應請蠲免銀五
百六十二兩一錢二分六釐零至永利永阜並海豐縣
潮淹竈地委係顛廢不能墾復共地五百一頃八十九
畝四分零應徵地丁銀五百一十兩七錢八分一釐零
又永利永阜王家岡三場潮淹灘池委係沙土淤塞難
以開曬共地一十頃三十三畝二分零應徵地丁銀二
百二兩一錢七分六釐零請自乾隆二十五年照依民
例豁除經部題奉

恩旨蠲豁

乾隆三十一年巡鹽御史高誠題山東永利永阜場坐落利津
霑化二縣竈地秋禾被水應請蠲免銀一十一兩六錢
七分一釐並分別稟徵經部題奉

恩旨准行

乾隆三十二年巡鹽御史高誠題山東王家岡場坐落樂安縣竈地秋禾被水應請蠲免銀二十七兩七錢六分一釐並分別緩徵經部題奉

恩旨准行

乾隆三十六年巡鹽御史西寧題山東官臺王家岡二場坐落壽光樂安二縣竈地秋禾被水應免銀一百一十三兩四錢七分五釐並分別緩徵經部題奉

恩旨准行

乾隆四十年巡鹽御史西寧題乾隆三十九年王家岡官

山東鹽法志

卷五

優恤
恤竈

三七

臺二場竈地秋禾被潮應免銀一百五十三兩四錢五釐被災貧竈照例與民一體辦理其各場被潮地畝勘明難廢不能墾復者共五十四頃九十五畝九分應徵地丁銀五十七兩三錢七分三釐自乾隆四十年以後照例豁免經部題奉

恩旨准行

乾隆四十六年巡鹽御史伊齡阿題山東官臺王家岡永阜三場坐落壽光樂安利津霑化濱州等五州縣竈地秋禾被水應蠲免銀一百七十五兩六錢一釐並分別

緩徵經部題奉

恩旨准行

乾隆四十七年巡鹽御史徵瑞題山東永阜利官臺王家岡富國等五場坐落利津霑化樂安壽光昌邑等五縣竈地秋禾被水應免銀四百二十兩二錢一分一釐並分別緩徵經部題奉

恩旨准行

乾隆五十八年巡鹽御史徵瑞題山東官臺王家岡二場坐落壽光樂安二縣竈地被潮應免銀四十八兩一分八釐並請分別緩徵經部題奉

山東鹽法志

卷五

優恤
竈

三

恩旨准行

乾隆六十年巡鹽御史徵瑞奏長蘆緩徵竈課業蒙

皇上一視同仁加

恩豁免茲查山東王家岡官臺兩場乾隆五十八年緩帶未完竈地等銀一百九十六兩四錢四分霑化縣乾隆五十七年緩帶未完民佃等銀六十五兩五錢一分七釐二共銀二百六十一兩九錢五分七釐並請一體豁免奉

旨著寬免欽此

嘉慶九年巡鹽御史珠隆阿題山東永阜永利二場坐落
利津雷化二縣竈地黃水漫溢成災應免銀一百二十
兩二錢五分雷化縣民佃竈地黃水漫溢成災應免銀
二十二兩二錢一分七釐餘剩錢糧並請分別緩帶經
部題奉

恩旨准行

山東鹽法志

卷五

優恤
恤竈

字九



